



25.okt 2016

UKA2016/139

Qasigiannuguit Aasiaallu akornanni erngup nukinganik nukissiorfiliornissamut misissuineranut atatillugu nunaqarfiit qanigisaaniittut erngup nukinganik nukissiuutillu ataavartut allat atorlugit nukissiorfilernissaannik periarfissat misissoqqullugit peqquneqarnissaannik siunnersuut.

Misissuinermit Igalikumi nukissiuutunik ataavartunik assigiinngitsunik atuinermik misileraanermit maanna ingerlasumit misilittakkat ilanngunneqassapput misissuinerullu inenera kingusinnerpaamik UKA2017-mi Inatsisartunut saqqummiunneqassalluni.

(Inatsisartunut ilaasorta q Ane Hansen, Inuit Ataqtigiit)

Inatsisartunut ilaasorta q Ane Hansen Inuit ataqtigiit, Tassalu Qasigiannuguit Aasiaallu akornanni erngup nukinganik nukissiorfiliornissamut taamatullu aamma nunaqarfiit eqqaaniittut ilanngullugit tamannalu oqaaseqarfisgissavarput.

Nunatsinni nukissiorfikku imminut pilersornissarput, minnerunngitsumillu nukissiuutit mingutitsinngitsunik atuinerunissarput pingaartilluinnaripput oqaatigissavarput.

Nunatta kujataani savaatillit namminneq nukissiorfikku ineriartortitsinerat nuannaarutigalugu oqaatigissavarput. Misilittagaat sooq atorluarsinnaanngilagut qularnanngilarmi nunaqarfiit illoqarfiillu ilaanni aamma siunnersuinermik pitsaasumik alloriartitsisinnaasut nersualaarpagut isumaqarlunarpugullu misilittagaat aamma atorluarniartariaqalerigut.

Tassami nukissiorfikku periarfissarpasuit nunatsinni atorluarneqarsinnaagaluartut massakkumut annerusumik iluaqutiginningsigit uffalu avataaniit ikummatissarujussuarmik eqqusuilluta nukissiuutit kiassarillu ingerlallugit.

Taamatut pissuseqarnerput tassa minnerpaaffianut inissitariaqaleraluarpoq olie-mik eqqusuineq annikilissarujussuartaqarparput aamma nunatta aningaasaqarnera eqqarsaatigalugu.

Tassami nukik ullut tamaasa nunatta tunniussinnaasaa annertorujussuaq asiutipparput, kuuppasuit atunngilagut isumaqarlunarpugullu tassa tamakkiisumik atornissaanut piareersarluta aallartittariaqalersugut olie-mi akiata ilaatigut soppassuarnik sunnertarpaatigut ilaatigut inuiaqatigiinnut oqimaarsartitsisumik.

Seqernup anorip erngullu nukii oqarlunaraanni atorluannigilagut uffalu issittumi nunaqarluta sooq ilaaluunniit atornerunngilagut. Tassami erngup nukinga atorlualeriartorparput tamannalu ajunngilluinnarpoq.

Qasigiannuguit eqqaani nukissiorfiusinnaasooq Aasiannut Kangaatsiamut eqqaamiuinnullu qanoq sunniuteqartumik atorneqarsinnaanersoq saqqummiussa soqutiginnartipparput, tassami nunatta aningaasaqarneranut siunissami sunniuteqarlunarsinnaammat.

Aammalu ikummatissaq akisoorujussuaq eqqusuinnarsinnaanngilarput namminermit peqareerpugut minguinneqarparput tassa erngup anorip seqernullu nukinginik.

Nunaqarfinni nukissiorfikku misileraalluni siuarsaanissamik suliaqarnerit aamma nukissiorfikku aallartinneqareersut assut iluarisimaarpagut misileraanerillu naammassinissaat qilanaarluta utaqqissavagut neriuutigalugu siunissami nunaqarfinni nukissiorfikku periarfissanik aamma annertusaajumaartut.

Taamatut oqaaseqarluta Ane Hansen-ip siunnersuutaa soqutiginartoq itigartittariaqarnera ajuusaarutigigaluarlugu suliat aallartinneqareersimasut pillugit Naalakkersuisut akissuteqataat tusaatissatut tiguarput.

Hans Enoksen